

AUGLÝSING

um fjárhaldsstjórn Hofsóshrepps.

Á grundvelli 91. gr. sveitarstjórnarlaga ákvað félagsmálaráðuneytið hinn 12. desember sl. að svipta hreppsnefnd Hofsóshrepps fjárforræði sveitarfélagsins.

Jafnframt var skipuð fjárhaldsstjórn til 1. apríl 1989. Í henni eiga sæti:

Húnbogi Þorsteinsson, skrifstofustjóri, formaður,

Karl Kristjánsson, viðskiptafræðingur og

Magnús E. Guðjónsson, framkvæmdastjóri.

Með auglýsingum 27. mars og 30. maí sl. var ákveðið að framlengja sviptingu fjárforræðis og skipun fjárhaldsstjórnar um 2 mánuði í hvort skipti.

Félagsmálaráðuneytið hefur nú ákveðið að framlengja sviptingu fjárforræðis Hofsóshrepps og skipun fjárhaldsstjórnar sveitarfélagsins um tvo mánuði eða til 1. október 1989.

Félagsmálaráðuneytið, 31. júlí 1989.

Jóhanna Sigurðardóttir.

Hólmafríður Snæbjörnsdóttir.

REGLUGERÐ

um breyting á reglugerð nr. 166/1985, um greiðslu sjúkratrygginga á kostnaði við sjúkrahjálp, sem ekki er unnt að veita á íslensku sjúkrahúsi.

1. gr.

2. mgr. 3. gr. orðist svo:

Tryggingastofnun ríkisins getur krafist tryggingar fyrir greiðslu á hluta hins tryggða, þegar stofnunin ábyrgist alla greiðsluna gagnvart hinu erlenda sjúkrahúsi.

2. gr.

Reglugerð þessi sem sett er samkvæmt 42. gr. laga nr. 67/1971, um almannatryggingar, með síðari breytingum, öðlast þegar gildi.

Heilbrigðis- og tryggingamálaráðuneytið, 20. júlí 1989.

Guðmundur Bjarnason.

Ingimar Sigurðsson.